

# Introdukshon di Bukinan Históriko

E siguiente diesdos buki—for di Josué te buki di Ester—ta forma un e bukinan históriko di Tèstamènt Bieu. Nan ta kontinuá ku e storia di e puebel hebreo unda el a klousurá ku buki di Deuteronomio—morto di Moisés. E bukinan aki ta deskribí e konkísta i repartimentu di e Tera Primintí entre e diesdos tribu, e era di e huesnan, establesementu di un monarkia, e kiebro entre e tribunan resultado den dos reino, e konkísta i kaptividat di kada reino, sigui pa e regreso di algun di e hudiunan na e tera.

Ta importante pa komprendé ku ningun di e bukinan den Tèstamènt Bieu ku ta aparesé despues di Ester ta kontinuá ku e historia di Israel. Tur e bukinan poétiko i profétiko a wòrdu skirbí durante e historia relatá for di Génesis te Ester.

Den e Skrituranan hudiu, e sekshon aki ta partí den dos divishon:

- 1) E Profetanan ta inkluí Josué, Huesnan, 1 & 2 Samuel i 1 & 2 Reinan
- 2) E Skirbimentunan ku ta inkluí 1 & 2 Krónikanan, Esdras i Nehemias  
(E bukinan di Ruth i Esther ta un situashon apart.)

E relato históriko den e “Profetanan” ta kuminsá ku morto di Moisés i ta kontinuá den un òrdu kronológiko te eksilio di e puebel hebreo. (E storia di Ruth ta tuma lugá durante era di e buki di Huesnan.) En kontraste, e historia den e sekshon konosí komo “Skirbimentunan” ta kuminsá ku generashonnan di Adam i ta klousurá e puebel hudiu bèk den e Tera Primintí despues di nan eksilio.

Maske tur dos agrupashon ta kubri e mésun historia en general, ta parse ku e eskritornan humano di e “Profetanan” no tabatin e mésun foko ku e outornan di e “Skirbimentunan”.

## I. TEMANAN DEN E SEKSHON PROFETANAN

John Taylor ta mensioná kuater diferente lema ku ta destaká den e bukinan di Josué te 2 Reinan.

A. Un lema ta “reinado”. Huesnan 9 ta konta di Abimelek su esfuerso pa establese un reino ku a fracasá. Huesnan 17-21 ta duna un relato di un era deplorable i ta duna di konosé ku e situashon aki a eksistí pasobra “*Den e dianan ei no tabatin rein a Israel; kada ken tabata hasi loke tabata bon den su mes bista*” (Huesnan 21:25). Kapítulonon 8-12 di 1 Samuel (sinku kapítulo) ta dediká na establesementu di e reinado na Israel. Ta parse ku e outor no tabata masha kontentu ku e desaroyo aki pasobra Israel tabata un teokrasia (Dios tabata Su Rei). Ma el a bin aseptá esaki ora David a bira rei—maske David su moralidat a laga di deseá tin ora. Kulminashon di e tema di reinado ta hañá den 2 Samuel 7, ora Dios a primintí ku su reino lo dura pa samper.

B. Un di dos lema den e bukinan aki ta “palabra di Señor” dor di profetanan. E outor ta mensioná vários profeta: Debora (Huesnan 4-5), Samuel (1 Samuel 1-16), Ahias (1 Samuel 14:18), Gad (1 Samuel 22:5), Natan (2 Samuel 7:2), Mikaias (1 Reinan 22:8), Elias (1 Reinan 17 – 2 Reinan 2), Eliseo (2 Reinan 2-13). Nan tabata e voséronan di Dios. Nan tabata manera konseheronan di rei. Nan deklarashon pa ku un rei a determiná e rei su destino.

C. “Tèmpel” ta un otro lema. For di komienso di 1 Samuel por mira ku e outor ta preokupá pa bienestar di e arka. E tabernakel tabata lokalísá na Silo. Israel a hiba e arka den bataya

konfiando den e arka na lugá di Dios. E filisteonan a kapturá e arka. Dios a yobe diferente plaga riba nan i nan a debilbé e arka na Israel (1 Samuel 4-6). Despues David ta hiba e arka na Yerusalèm (2 Samuel 6). David ke proveé un lugá mas duradero pé na Yerusalèm. Natan ta aploudié pa e deseo ma a bisa David ku su yu lo konstruí e tèmpe

D. “Adorashon” ta e di kuater lema. Tur e reinan den 1 & 2 Reinan tabata evaluá segun e midi si nan a adorá e Dios di Israel si òf nò.

E reinan di e reino di nort (Israel) fo’i komienso a adorá ídolonan (bishenan na Dan i Bèt-el). Nunka mas nan a bandoná idolatria. Solamente e reinan di Juda (nashon di suit), Ezekias i Josias, no tabata akusá di maldat.

## **II. FOKO DI E SEKSHON SKIRBIMENTUNAN**

Outor di e bukinan di 1 & 2 Krónikanan, Esdras i Nehemias ta kuminsá ku nuebe kapítulo di generashonnan for di Adam te rei Saul. Sobrá di 1 Krónikanan (kapítulonon 10-29) ta konsentrá riba e reino di David sigui pa nuebe kapítulo tokante reino di Salomon den 2 Krónikanan. Kapítulonon 10-36 di 2 Krónikanan ta konta historia di e reinan di Juda—ignorando por kompleto e reino di nort di Israel. Klaramente su foko ta riba e dinastia di David.

E outor di 1 & 2 Krónikanan tambe a fiha hopi atenshon riba e tèmpe: kontribushonnan pa kontrukshon di e tèmpe, konstrukshon di e tèmpe, adorashon den i na e tèmpe, tarea di e saserdotenan i levítanan.

Esdras 1-6 ta papia di rekonstrukshon di e tèmpe despues di su destrukshon dor di Nabukodonosor na aña 586 B.C. Esdras ta yega na e Tera Primintí i tin su ministerio den Esdras 7-10. Nehemias 1-7 ta kontinuá ku historia, kontando di konstrukshon di e murayanan di Yerusalèm, mientras kapítulonon 8-13 ta trata ku Nehemias su gobernashon i dedikashon na lei di Dios

## **Literatura Konsultá**

Hill, Andrew E. & Walton, John H. *A Survey of the Old Testament* (Grand Rapids: Zondervan Publishing House, 1991), p. 155-160.

Taylor, John. *Eerdman’s Handbook of the Bible* (Grand Rapids: William B. Eerdmans Publishing Company, 1973), p. 204-208.

Wilkinson, Bruce & Boa Kenneth. *Talk Thru the Bible* (Nashville: Thomas Nelson), p. 47-49.